

# ШИРИНСҮЗЛИК

05:00 / 28.02.2017 3289

Оилада ёки жамиятда содир бўладиган катта-кичик жанжалларни дикқат билан кузатилса, барчасининг сабаби қўпинча қўпол сўз ва муомала бўлиши муқаррар. Бир киши ўйламасдан гапириб қўйса, бошқасига шу гап ёқмайди ва натижада бекордан-бекорга жанжал келиб чиқади. Ширин сўз кўпгина муваффақиятларнинг омилидир. У тараққий этган жамият ташкил этишнинг асосларидандир. Шунинг учун ҳам бу нарсагабарча тарбиячилар ва ислоҳчилар катта аҳамият берадилар. Улар доимо бошқаларга яхши сўзларни айтиш, мулойим гапларни танлашга ундейдилар. Яхши, мулойим гапни ишлатиш, инсоннинг обрўсини орттиради, дўстларини кўпайтиради, ҳамманинг ҳурматига сазовор қиласди.

Шунинг учун ҳам Аллоҳ ширинсўз бўлишга чақиради: **«Бандаларимга айтгин, улар энг гўзал бўлган нарсани айтсинлар. Албатта, шайтон ораларини бузиб турадир»** («Исрө» сураси, 53-оят).

Аллоҳ мана шу оятда мусулмонларнинг ўзаро суҳбатларида, гап-сўзларида ширинсўз бўлишга буюради. Агар улар буйруқقا итоат этмай, ёмон сўзларни ихтиёр қилсалар, албатта шайтон ораларини бузади ва натижада ёмонлик ва душманлик содир бўлади. Бош-қа бир оятда Аллоҳ шундай дейди:

**«Ва одамларга яхши гаплар айтинг»** («Бақара» сураси, 83-оят).

Аллоҳ таоло паст овоз билан сўзлашга ундейди. Чунки ширинсўзлик шуни тақозо қиласди. Овозини баралла қўйиб бақириб-чақириб сўзлашни эса, эшакнинг ҳанграшига ўхшатади:

**«Ва овозингни пасайти. Чунки овозларнинг энг ёмони эшакнинг овозидир»** («Луқмон» сураси, 19-оят).

Аллоҳ кишилар билан сўзлашаётганда, муомала қилаётганда очиқ юзли бўлишни буюради ва қўполликдан қайтаради. Аллоҳ пайғамбаримиз Муҳаммад алайҳиссаломга қаратса шундай дейди:

**«Аллоҳнинг раҳмати ила уларга мулойим бўлдинг. Агар қўпол, қалби қаттиқ бўлганингда, атрофингдан тарқаб кетар эдилар»** («Оли Имрон» сураси, 159-оят).

Шу нарса мусулмонларга бир эслатмаки, улар ҳам доимо хушмуомала, ширинсўз бўлсинлар. Одамлар орасидаги муомалада Қуръон мана шу одобларни ўргатади. Бу нарсалар ҳаётда тинчлик ва баҳт-саодат орзу

Қилған ҳар бир жамият учун зарурдир.